

近代中國史料叢刊續編第五十一輯
沈雲龍主編

臺 灣 府 志

高拱乾纂

文海出版社

有限公司

印行

席應
三十二年
高拱乾集

臺灣府志

民國四十五年三月

沈縣方氏慎思堂

據日本內閣文庫

藏本——景印

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



臺灣設省之前固闕之一府耳清初以降臺灣
府志凡五修而以康熙三十三年高拱乾纂輯者
為嚆矢三十四年脫稿三十五年梓行蓋二百年
年於茲矣自是周元文重修於四十九年迄
乾隆五十六年間劉良璧又重修之二十九年
咸再重修焉閱十四載余文儂繼起續修
是即世所稱高周劉范余五志高志未泯付
迄今為世所知者僅此耳圖書版協和大學
圖書版無錫大公圖書版陞日幸內閣文庫各
藏一部臺灣省立臺北圖書館藏有影寫卷者及

卷一抄本一冊記高志崇周志之岐異並附圖攝
影六張如左而已余以臺灣第一部府志而島上
並付抄本亦不全身以為憾爰託東京大學小
堀巖藏先生代向內閣公庫一洽商攝影四十四
年十一月夜片寄達臺北詳漢一過知非原
刻本如秩官武備兩志頗多原歷三十五年以
後就任而南路營參將林雲漢年備謝時晟
水師協標中營遊擊廖騰煌鎮標左營把總
駱南右營把總沈貴張務李成龍臺協中營
把總鄧順玉三左營把總曾和陳鳳右營把總陳

斌陳德澎湖協左營把總林龍于高右營把總王
必績評表等胥康熙四十年任距高志刊行已
五十年而補刻之痕迹漫極顯然且以內閣文
庫藏本必康熙四十年或次年所補刻也邇來
臺海修志之風盛極每有志改爲官修地方
志之身祖乃依照原影印漫出以庶流傳嗟
宋余自三十年者渡臺是年六月印以中共研究
院歷史語言研究所藏有恒耆錄表事介紹於省
之學人三十九年十月又沈門人王瑞明自上海抄來
苗栗縣志四十年九月刻以舊臺海通志所收臺

東州採訪冊為胡鐵花先生所輯事函告其哲
嗣適之先生之并公諸報端今歲復能以賣文
所入景印高志地方文獻之幸也亦余之
幸也忘其瀟湘書生以誌雪泥鴻爪云爾
民國第一丙申年農曆元旦抗縣方豪誠筆於序

臺灣府志序

地之有志自漢班孟
聖始蓋將舉天文地
理人事之屬而備具
焉猗歟重矣故必有

良史之筆爲紀事之
書庶幾博綜該洽而
無憾然余竊疑荒裔
之與內地較難而創
始之與纂脩又異似

未可同日而語也遡

我

朝應運鼎興

聖明接武指揮萬國蚩已
建旄設旄於禹貢職

方之外然未有遐荒
窮島如閩之臺灣者
臺孤懸海外歷漢唐
宋元所未聞傳自明
季天啓間方有倭奴

荷蘭屯處商販頗聚
繼爲鄭成功遁踞流
亡漸集數十年來不
過爲羣盜逋逃藪耳
今

上二十一年

特命靖海將軍侯施公率
師討平之始入版圖
置郡邑詢其民陋於
雕題黑齒問其俗猶

是飲血茹毛旣無廢
興沿革之可稽亦安
有聲名文物之足紀
乎憶余自筮仕蒼梧
以來南浮江漢經西

伯之化行北守覃懷
歷大禹之底績迨乎
備員藩臬周流齊魯
禮義之邦覽其山川
風物其俗厚其民淳

每歎古帝王流風之
遠而德教入人之深
也閩在漢爲無諸封
國已遜中土若臺者
素爲積水島嶼竊計

流寓之外其民若盲
之初視寐之初覺雖
更數載猶是鴻濛渾
沌之區耳官斯地臨
斯民欲爲治道民生

計豈不憂憂乎其難
之三十年辛未
大中丞卞公惠撫斯邦
軫念臺灣要地分臬
重任非賢能特達者

不可迺越

定例會薦泉守 高公

爲巡使再疏報可

公以三十一年春持

節往莅茲土時和年

豐政行事舉不特惟

正之供悉遵賦則而

且俊秀之士咸登賢

書甫三莽駸駸平漸

近中土行且報最矣

出其所譏郡志屬序

余讀之見其分野畫

疆辨若指掌文事武

備燦焉畢具旣詳于

政治風俗奢儉緩急

之故復究於形勢阨

塞封疆壺橐之計而

且田賦墳壚龜魚篠

蕩以及山藪川浸男

女畜擾罔有或遺脫

非殫精治道刻意民
生者未克臻此數十
年後既富且教不幾
為海濱之鄒魯耶吾
意後之人頌其過化

之神不讓文翁化蜀
寧曰荒裔創始不足
與班孟堅並傳哉余
不敏竊幸附名簡末
故不辭而為之序

康熙乙亥仲秋福建等
處承宣布政使司布
政使加三級楊廷耀

撰



臺灣府誌序

今天下車書大一統矣我
皇上仁德誕敷提封萬里東西
朔南莫不覆被顧臺灣蕞
爾土越在海外游氛餘孽

蔚爲逋藪筑筑番黎茫然
不知有晦明日月沿海郡
邑江浙閩粵傳烽舉燧多
歷年所我

皇上好生如天以普天之下皆

吾赤子奚忍獨遺二十一年

特命靖海將軍施公率師討平
郡縣其地設官置鎮星羅
碁布數年以來聲名文物

駸駸乎與上國比隆夫有
疆土必有風俗有制度必
有沿革海外兵燹之餘人
心甫定耳目未開不爲搜
羅廢墜纂輯典故使天下

觀者如身履其地而習其
俗無以彰

聖天子一德同風之盛廣久道
化成之治則亦守土者之
過也余自辛未春出守溫

陵越明年謬叨

兩臺薦剡蒙

聖恩特用分巡茲土浮海駐節
甚懼其難也目擊一方之
凋殘利何以興弊何以除

學校何以振兵政何以肅
軍實何以備勤勤焉日進
文武察案求所以生遂安
集之道又何暇及於誌乘
矧臺疆初闢百度草創遺

編故老湮沒無聞卽欲成
書而無徵不信又孰從而
誌之於是者二年幸托
朝廷無外之威德

兩臺漸被之深猷風雨以時

番黎向化文武和洽庶吏
協恭政事之餘益得與父
老子弟諮詢採攬凡山川
之險易水土之美惡物產
之有無風氣之同異習俗

之淳薄遠自生番殊俗下
及閭閻纖悉每聞見有得
輒心識而手編之溯始明
季臺所自有迄歸我

朝臺以肇造綱舉目張巨細必

載有功必錄有美必書公
諸衆心以觀厥成斯誌也
亦所以志也敢曰余一人
之私言哉嗣是而稽水道
者非以海市蜃樓誌怪也

舟楫必由寓不逢不若之

經焉考廢興者非以裸髮
文身誌奇也絕域咸乎見
莫不尊親之休焉覈人材
問民俗者非以昔渾沌而

今雕鑿也盛衰有自凜履
霜臨谷之戒焉其與內地
同者官吏兵民一歸於正
其與內地異者剛柔燥濕
各遂其天不寧惟是百爾

君子篤斐協恭以綏靖爾
百姓爾百姓公好公惡具
有明徵凡吏斯土者思誌
不朽毋貽後世譏將使海
外之聲名文物日臻邛隆

而重譯接踵羣知生聚教
訓洋洋乎爲窮荒一大輿
區則是書也未必不爲官
方之一助焉拱乾世受
國恩自惟才疎德薄今且秩

滿奉
旨移補浙臬樂臺之駸駸與上
國比隆也而斯誌適成倘
聖天子輶軒下採詢及海隅斯
誌遂得入

奏以附
大一統之末爲三代以來未
有之盛事是亦微臣之志
也夫若乃踵事增華是賴
後之君子余不敏也又何

敢專是爲序

康熙三十五年丙子孟春上
浣福建分巡臺灣廈門道
兼理學政今陞浙江等處
提刑按察使司按察使高

拱乾謹序



臺灣府志序

粵惟人皇九區神禹五服
三王之世守若金甌逮乎
炎漢而至關極于西境彩
雲見于南中朔方交趾列
為州部禹服之廣繇茲始

矣自漢而運代有建置然
唐設羈縻之州宋稱玉斧
之界土宇版章未云孔厚
竊嘗披覽
皇輿而知一統之盛無踰今日
伏見我

朝定鼎
今天子踐祚而後外而四方屬
國以數百計重譯奉琛項
背相望內而滇黔天末關
置郡邑使自古要荒之域
悉為冠帶之巨聲教所被

廣矣大矣若臺灣孤嶼環
瀛千峰叢立環拱七閩如
屏障然然自廈門金門迤
邐東南以達于澎湖嶼又
東而至于臺灣蓋不知其
幾千里也千古以來番民

處之邈若叢叢中國視之
幾同旣脫而五六十季之
間則竟為潢池弄兵之所
矣我
皇上不忍海濱之民頻罹蛇豕
之害于是

命將出師指授

方畧橫海伏波揚旌飛渡
而波臣効順風不驚濤其
仰契天心如此師行所至
莫不東身歸歎若崩厥角
壺漿載迎市肆如故其俯

得人和又如此自是而嘉
灣版圖迤袤三千里戶口
數十萬始得附于光天化
日之下矣迺猶歷
庸慮為民生計析置一郡三邑
建設文武諸司數年以來

生齒漸繁草萊新闢商旅
往來番民和輯彬々乎有
內郡風焉蓋前此之開闢
土宇賴諸文武之戮力同
心宣布
威德其功在封疆其事在

國史至于後此之附循安定
賴諸文武之綢繆贊畫勞
心撫字其功在黎庶其實
在口碑未可更僕數也治
揚以庸材謬奉一麾深慮
寬猛調劑之不易乃受事

伊始適

觀察副使高公當三季報

政之時間民生疾苦則

公所以軫恤之者甚周訪

地方風俗則

公所以導誘之者甚力若

乃振興文化勸課農耕拓
携懷遠遏惡扶良咸一一
布之章程凡
公所施設惟善後之是圖
是誠治揚與同事諸君子
之幸也時

公新郡志告成治雖未能

有所興革無可載筆聊附

姓名于

期亦以見新種待治貴乎

不擾惟當遵畫一之法云

爾

康熙三十有四年歲乙亥
繩吉臺灣府知府三韓新
治揚謹識



臺灣府志序

今天子聖神文武御宇之二十
 有二年以臺灣越在海表
 梗我殺教爰命樓船之師
 直搗鮑親之窟未幾而偽
 藩鄭氏輸誠納土因即其

地設府一縣三統以監司
 使不職者無所容其墨營
 十兵萬轄以重鎮使不逞
 者無所隱其奸興學作人
 設科取士蓋百度漸舉矣
 而獨於府誌一書因循未

輯同文盛軌尚缺如也廉
 熙三十一年秋歲在壬申
 戎上郡

憲副高公以開闢名家詞
 壇鼓吹特膺

簡命來巡海邦立經久之章程

數載籍之莫考爰於甲戌
冬出其兩季未蒐採志草
一帙會守令開志局攬師
儒得明之士四人文學十
人共襄校讐計日程功優
以俸餘是時體物攝郡符

與聞是役凡四閱月而臺
灣新乘遂煥乎其有文章
矣明年秋太守靳公濫任
公復出以相訂既竣事請
鑒定于
院司咸謂得所未有體物愛

而讀之見其首封域次規
制次秩官次武備次賦役
次典秩次風土次人物次
外志而終之以藝文為綱
有十為目八十有一封域
則星分牛女附乎揚州也

海道則關粵甌吳通乎四
省也山川則究其脈絡規
制則審其淵源也人物官
師之賢否或傳或註而流
品自昭番民俗之醇醜
可筆可目而是非自見也

策防禦則綢繆恐後時屋
未雨之恩綜田賦則杼軸
其空蓋輒如傷之念也其
忠臣義士烈士貞妻為天
地立心為國家植紀靡不
倦、加意闡表幽微至於

文章詞賦擇焉而登兵異
妖祥疑寧從缺體嚴而備
事核而該此誠所謂創從
前未見之奇成此後不刊
之典者矣夫之裸國者裸
入而衣出見荆王者錦衣

而吹笙化赤漸乎隣丹為
黔資乎通墨言轉化之相
因也後有同志薪火相傳
踵事增華歷諸久而不至
磨滅此書真與天壤相蔽
也豈特進而藏於

王府太史受而總其成也哉
雖然更有進焉者後之官
乎此者觀前人之善政必
知所矜式而就乎正大後
之生乎此者觀前人之芳
躅必知所興起而進乎高

生...月...序

明風欲淳也淳而又淳俗
期厚也厚而愈厚則公之
有補於治化有關於氣運
也不小又豈特為記事之
書已哉是為序
康熙三十四年仲秋臺灣

府海防總捕同知齊體物
謹序



生...月...序

跋

甲戌秋中素奉

命自三山湖補臺灣今乙亥二月東

渡受事滿

憲副高夫子蒙告以為治之道在
潔已愛人而謹儲積禁苛斂綏

和兵民交歡文武尤爲先務素
既蹠而受教復授手編臺灣志
四卷歸而伏讀一再過其蒐輯
之周洽辯駁之精審採摭之博
與註疏之詳明環臺數千里之
大而無外方寸之小而無內無

不瞭如指掌較若列眉旣服
公致力之勤而用心之苦也乃
偕東武寅寮學父老羣請於
公俾壽之梓而且告之曰諸君
知公此志之意乎公蓋欲
移風易俗始於有象而歸於無

形非徒侈廣見博聞已也夫臺
歸版圖十有三年矣公之治
臺亦三年矣試問此三年以前
風俗之美惡人心之邪正文武
之同異離合與今孰愈雖三尺
童子皆能言之又前之官此者

震於其名自奉調趣裝大吏戒
其僚屬父兄教其子弟無不以
謙和簡易爲訓受教者不知謙
和簡易固自有遺乃循名失實
惟一切務爲苟且姑息率儂行
俛首以俟瓜期之及疾去不少

顧官此者奉爲秘誦轉相傳授
堅不可破間有稍自樹立則羣
譁指爲異物得既且不測以致
驕者益縱而弱者益不振自
公之來一率以正不露圭角不
見風采不爲新奇可喜之行濟

移默奪使人化於禮讓而不自
覺如慈父母之止兒啼啼在饑
則止以菓餌在怒則暫置不顧
伺其倦而憐之以杖復於月朔
望集文武吏士於天后宮宣揚
聖諭命耆老以鄉語解說兵民敬聽

漸知有等威貴賤尊卑長幼之
別而
總鎮王公寬仁有大度與公
嗜咨調劑情好日隆每任期令
節各率僚屬飲食謙勞策勲之
解日滿破的之鼓聲相聞也

公益以其暇遍討戶口形勝與
阨塞險易規制之數輯成是編
俾長吏令牧咸有所矜式卽欲
務爲苟且姑息而不可得矣夫
名醫之治病也診其虛實切其
寒溫而經方不全藥石不備雖

有盧扁莫能措手弈秋之爲弈也運用之妙雖在一心而黑白不分行道不具雖有先著無局可施此志也者亦卽醫弈之經方枰局爲名醫國手必須之具也非公精竊兼致巨細畢收

而能若是歟善夫公之言曰臺灣自開闢之初百事草創從前諸公一味苟且過去還得到今日再苟且不去了汝等適當其難不振起一番精神認真爲朝廷料理此一塊地更欲推與誰人

素三復斯語雖才質庸下不能仰副明訓然私心自矢亦不敢多讓今者公總憲全浙命駕有日素與二三寅僚甫承緒餘便欲措諸經緯懼且指爲異物恐終負公知遇也惟謹守是

編以待後之君子因勢利導幾於化行俗美之盛使知謙和簡易非苟且姑息之謂而得免章甫適越之誚也是卽善於讀公此志者矣康熙三十五年春王上元日臺

澧縣知縣李中素謹跋



版圖覽其風俗不惟無禮樂文章之式而衣服飲食言語悉與中土大相謬異此文事之所以難望于海嶼也我皇上恩被遐陬威騰窮島特命將軍侯施公率師討平設置郡

跋

從來戡亂必用武功致治則脩文事文事與武功實相為表裏者但海外之文事較內地倍難何則臺灣遠隔層洋為荒裔之區草竊之藪歷漢唐宋明未入


邑武功茂以加矣繼而我巡憲高公監司是土白下車以來肅官常和兵民均則壤端教化平訟獄剔奸猾事事以實心行實政而且有权度宏之量而且有孝肅明斷之才而且有清

獻廉謹之操而且張綱埋輪
當道之正氣而且有祭遵敦詩
說禮之雅懷駸駸治化行布海
濱以致向之澆薄者今則漸爲
淳厚矣向之剽悍者今則漸爲
純良矣向之愚蠢無知者之輩

今則漸爲崇尚禮義之風矣爰
是總其地天人物而爲郡志其
精詳則禹貢周官也其簡嚴則
義文麟經也其風采則四始六
義也其光明俊偉則日月之經
天江河之行地也郁郁文哉文

事之脩于一志燦然畢昔已至
其筆之堅不可破也銳不可遏
也變化而不可測也又若深溝
高壘之險干將莫邪之利漢臣
之三鼓武侯之八陣文也而武
亦未嘗不在其中詩云文武吉

甫萬邦爲憲我 公有之余學
疎議淺忝列末員不能贊一詞
謹跋以附其後
康熙三十四年冬十月旣望風
山縣知縣朱繡謹跋



跋

郡之有志繪國之有史而不能
無異者史以紀一國之典章該
天下之大務而志之所載無過
一郡之疆域民物山川風土與
夫歷代之沿革風俗之習尚而

已至如臺灣則又異我
朝初闢前代未有雖經紅毛與鄭氏
父子等相繼盤居於此不過苟
且使安偽定一時耳焉有風流
善政故家遺俗之足志以言疆
域則荒島耳以言民物則番屬

耳以言山川風土與夫歷代之
沿革風俗之習尚則巢居野處
無宮室井疆之封椎箕卉服無
衣冠文物之盛事無有可傳政
無足為紀亦何足稱之與有然
不知正唯此也而始有足稱者

何則自洪荒開闢以來從未有
此地而於今忽有之豈非天地
間之一新世界乎且易巢居野
處之民為宮室井疆之民易椎
箕卉服之類為衣冠文物之類
變荒島為城市化番民於禮樂

棄危殆而就安全一道德而同
風俗非大聖人孰能致此乎惟
聖天子端拱於上而

大將軍施侯奮揚威武討平於其
前

各憲臺先後接踵撫綏於其繼

以故不數年而教化大行遐邇
一體然自癸亥至今允稱大治
而郡邑之志責在使若守臣尚
未脩也會
副憲高公持節茲土三載之間政
通人和百廢俱興于是纂輯郡

乘績其成功庶幾千載而下覽
其書者有以知開物成務創于
古之未有垂萬世於無窮者皆
我

聖天子德澤之流數大臣勲業之盛
之所由積也噫此雖名為志豈

清月元

不可與國史而並重與謹跋

康熙三十四年冬十月既望諸

羅縣知縣董之弼撰

臺灣府志

目錄

志序

脩志姓氏

凡例十二則

臺灣府總地圖

臺灣縣地圖

鳳山縣地圖

臺灣府志

目錄

清月元

諸羅縣地圖

澎湖圖

卷一

封域志

星野 沿革

建置 疆界

形勝 山川

海道附

卷二

規制志

城池 衙署

學校 社學

書院 學田

倉廩 坊里

保甲 壇廟

橋梁 津渡

水利 坊表

市鎮 郵傳

阨塞 恤政

卷三

秩官志

官制 監司

郡守 郡丞

府屬 縣令

縣屬 學官

名宦

卷四

目錄

七

廿五